

玉錄三朝儀

率一

三儀同卷

玉錄資度早朝儀

玉錄資度午朝儀

玉錄資度晚朝儀

玉籙資度早朝儀

法事如式

各禮師存念如法

請宣神呪

青陽虛映曜日回靈
神虎辟邪飛天流鈴

摧奸滅試 萬魔束形 九微回道 八威攝精
千真校錄 三元蕩清 左嘯中黃 右第六丁
七轉八合 周旋天經 聖化巍巍 大道興行
慶雲流布 合景黃庭

鳴法鼓二十四通

率二

無上三天玄元始三炁太上道君太上老君
召出臣等身中三五功曹左右官使者左右
捧香驛龍騎吏侍香金童傳言散花玉女五
帝直符直日香官各三十六人出出者嚴裝
顯服冠帶垂纓關啓玄壇土地方域神真臣

今早朝陞壇行道謹奏爲入意其諸忱悃已
錄告聞願得

太上十方至真道炁靈寶慧光下降流入臣
等身中今臣所啓速達徑御

太上無極大道三清上聖昊天金闕玉皇上
帝東極慈尊青玄上帝道前

請稱法位

具位臣姓某與臨壇官衆等謹同誠上啓

虛無自然至真無極大道元始天尊太上道

君太上老君高上玉皇上帝紫微北極大帝

紫微天皇大帝后土皇地祇東極青華大帝
南極長生大帝無上玉帝玉虛上帝東華南
極西靈北真玄都玉京金闕七寶瓊臺紫微
上宮靈寶至真明皇道君十方已得道大聖
衆至真諸君丈人大慈大悲救苦真人救度
真人大惠真人注生真人普救真人香林會
中法解真人三十六部尊經玄中大法師三
天大法師靈寶經籍度三師真君正一嗣系
女三師真君三界官屬一切真靈臣聞赤明
開圖敷三元於祖炁青玄御運宏十極之真

光威神凝妙於紫金慧力敷華於翠玉香林
駐景琅音尊應念之慈騫樹騰輝瓊號表尋
聲之惠二府雲聯而宗德九司星列以推仁
赫赫靈功巍巍聖化臣等福由宿慶運際昌
期佩妙戒於身前希夷師錫擊鸞圖於肘後
微妙天開莫高蹈於鵬搏乃卑棲而駒逐學
真補過退堅勵已之誠宏道立功進勉度人
之力恭承

上命敢不告聞以今欽奉

綸音崇修玉籙資薦其靈虔潔已以輸誠謹

齋心而瀝悃歸心東極願開甘露之門薦福
某靈早證紫虛之位恩流宗社澤被人天以
今早朝陞壇行道請法衆等運茲初捻上香
願此香煙騰空徑上供養

無上至真道寶臣等皈身皈神皈命首體投

地仰依

太上三尊十方衆聖願以是香功德端爲

某靈增崇天福登進仙階恭願凝神空碧高

步始青擁環珮以朝元慶延

聖祚被藻旒而問道祥衍神存今故燒香自

皈依

師尊大聖衆至真之德得道之後保天長存
和與道合真

以今早朝陞壇行道請法衆等運茲二捻上
香願此香煙騰空徑上供養

無上至真經寶臣等皈身皈神皈命首體投
地仰依

太上三尊十方衆聖願以是香功德端為

某靈登真快樂進陟逍遙恭願天詔下頒玄
恩誕錫翠華寶幄昇雲衢而直上朱陵玉輦

丹輿朝西靈而高居絳闕推恩

寶祚垂裕金枝今故燒香自皈依

師尊大聖衆至真之德得道之後昇入無形
和與道合真

以今早朝陞壇行道請法衆等運茲三捻上

香願此香煙騰空徑上供養

無上至真師寶臣等皈身皈神皈命首體投
地仰依

太上三尊十方衆聖願以是香功德端爲

某靈悟道登真凝神入妙恭願紫府成真玄

都錫命金輿羽葆冲清虛而歸大梵之天鳳
表鸞姿步瑤華而陟閬苑之境慈澤永流於
百世仁恩啓佑於萬年今故燒香自皈依
師尊大聖衆至真之德得道之後永保長存
和與道合真

率二

四

唱方

懺方

三啓

三禮

重稱法位

具位臣姓某與臨壇官衆等謹同誠上啓
三清上聖東極慈尊三界真仙無鞅衆聖醮
筵設像一切真靈恭望洪慈洞垂昭鑒臣聞
道尊太一端神化於十方教衍大千流玄恩
於鬱絕凝虛無之玉相承元始之金光百寶
流明開晨輝於夜窟九微回曜啓朝景於寒
庭庶提風澤之幽寒均步雲霄之渺莽以今
欽奉

綸音爰遵藻笈肅建芝壇誕修玉籙之妙齋
庸薦真靈之冥福聞經聽法朝獅御以依光

度命登真步龍墀而御景慶延

宗社澤被顯幽上願乾樞澄湛坤軸清凝日

月輝華山河寧謐三烽息警貔貅樂意於堯

疆五穀告成鴻鴈棲身於舜畝夜窟遂仙飛

之樂寒庭無校錄之虞動植飛潛俱承惠澤

率二

五

四生六道悉被慈雲則上明

天尊大慈之化下副臣等皈命之誠謹啓以

聞

發願

存神燒香

香官使者左右龍虎君侍香諸靈官當令臣
向來早朝陞壇行道之所自然生金液丹碧
之英百靈衆真交會在此香火鑪前當願誠
意感通真靈升度克證神仙之果普資家國
之恩十方仙童玉女接待蘭煙傳臣向來所
啓之誠速達徑御
至真無極大道三清上聖昊天金闕玉皇上
帝東極慈尊青玄上帝道前

出堂頌

玉籙資度早朝儀

玉籙資度午朝儀

法事如式

各禮師存念如法

請宣神呪

丹靈朱火 炎霞激風 赤輪剛運 天光八衝

迸威包羅 交變萬方 流金豁落 羣魔滅蹤

辟奸破妖 明耀元功 金符召制 躡雲策龍

謠歌慶會 散花太空 神化宜運 四極安隆

伏御帝前 罔有不恭

鳴法鼓二十四通

無上三天玄元始三炁太上道君太上老君
召出臣身中三五功曹左右官使者左右捧
香驛龍騎吏侍香金童傳言散花玉女五帝
直符直日香官各三十六人出出者嚴裝顯
服冠帶垂纓關啓玄壇土地方域神真臣今
午朝陞壇行道謹奏爲入意其諸忱悃已錄
告聞願得

率二

六

太上十方至真道炁靈寶慧光下降流入臣
等身中令臣所啓之誠速達徑御

太上無極大道三清上聖昊天金闕玉皇上

帝東極慈尊青玄上帝御前

請稱法位

具位臣姓某與臨壇官衆等謹同誠上啓
虛無自然無極大道元始天尊太上道君太
上老君高上玉皇上帝紫微北極大帝紫微
天皇大帝后土皇地祇東極青華大帝南極
長生大帝無上玉帝玉虛上帝東華南極西
靈北真玄都玉京金闕七寶瓊臺紫微上宮
靈寶至真明皇道君十方已得道大聖衆至
真諸君丈人大慈大悲救苦真人救度真人

大惠真人注生真人普救真人香林會中法
解真人三十六部尊經玄中大法師三天大
法師靈寶經籍度三師真君正一嗣系女三
師真君三界官屬一切真靈臣聞萬真環拱
疑聖日於妙嚴三極皈依扇仁風於長樂慧
光映虹霓之象威芒射劍戟之容名耀垂慈
開地禁而招地魄號尊救苦將天杰以制天
魂一切之結習冰消十方之威神風動巍巍
玄運赫赫巖瞻巨等身佩瑤圖心縈瓊檢煙
霞獨嘯合凝二杰以鷲遷日月同流乃混萬

塵而蚊負切切惜分之志依依進寸之心踏
過履非幸道丹青之威令承符宣德誓彰金
石之真忱

君命所臨理宜關奏欽奉

綸音崇修玉籙資薦其靈進位天階升真仙

品按如詞旨備切精誠爰皈命於青華冀登
名於紫籍瑤臺雲斂羅玉籙之真階琅闕天
開拱虛皇之寶御禁路簇龍華之仗霄衢傳
鳳蹕之音碧霧彌羅奏鈞天於芝陛翠霞縹
緲飛寶篆於蘭蕙舞鴛行穆穆以朝班蟻悃

勤勤而奏對願敷陽紘為闢陰塵俾萬類以
霑恩使十華而均慶以今午朝陞壇行道請
法衆等運茲初捻上香願此香煙騰空徑上
供養

無上至真道寶臣等皈身皈神皈命首體投
地仰依

太上三尊十方衆聖願以是香功德端薦

其靈伏願玉京侍聖瑤闕凝真炁入玄玄蔭
麟符而延周曆神超渺渺茂鳳紀以衍堯宗

今故燒香自皈依

師尊大聖衆至真之德得道之後保天長存
和與道合真

以今午朝陞壇行道請法衆等運茲二捻上
香願此香煙騰空徑上供養

無上至真經寶臣等皈身皈神皈命首體投

李二

地仰依

太上三尊十方衆聖願以是香功德資薦

某靈上請上清黃籙院三佐真君請授籙符

依科證道伏願青華定籙永遊宴於福鄉朱

陵登真常逍遙於道境今故燒香自皈依

師尊大聖衆至真之德得道之後升入無形
和與道合真

以今午朝陞壇行道請法衆等運茲三捻上
香願此香煙騰空徑上供養

無上至真師寶臣等皈身皈神皈命首體投

地仰依

太上三尊十方衆聖願以是香功德上請度
人不死之神南極長生之君度世司馬大神
好生韓君丈人南上司命司錄延壽益算度
危尊神南上九華真人十方飛天神王同遵

符命升送

其靈上登天位恭願降日月之真精會陰陽
之梵炁精神魂魄意聚五炁以朝元玄牝天
地根結一珠而成象證真天府遊宴玉京澤
被人天恩覃家國今故燒香自皈依

率二

九

師尊大聖衆至真之德得道之後永保長存
和與道合真

唱方

懺方

命魔

三啓

三禮

重稱法位

具位臣姓某與臨壇官衆等謹重誠上啓

三清三境天尊十極十華上聖三界官屬玄

壇應感一切真靈臣聞碧落流精洞煥綠羅
之界青霄御炁輝煌蒼藹之墟示法身而數
若沙塵衍聖言而明符日月凡伸皈命必沐
留神以今欽奉

綸音崇修玉籙祇薦某靈玉簡升神諒齋功

之固極金符度命信妙果之無窮恭願其靈
祖炁澄清性天瑩徹高步華林之境妙登碧
落之庭上願三景高明五靈協順風雲藏斂
草木輝華魚躍鳥飛遂生成於禹迹鳳儀獸
舞陶化育於虞廷三農遊夏屋以歡娛四鄙
登春臺而樂意顯幽遂慶宗社隆安則上明
天尊大慈之化下副臣等皈命之誠謹啓以
聞

發願

存神燒香

香宮使者左右龍虎君侍香諸靈官當令臣
向來午朝陞壇行道之所自然生金液丹碧
之英百靈衆真交會在此香火鑪前當願誠
意感通其靈升度克證神仙之果普資家國
之恩十方仙童玉女接待蘭煙傳臣向來所
啓之誠速達徑御
至真無極大道三清上聖昊天金闕玉皇上帝
東極慈尊青玄上帝道前

出堂頌

玉籙資度午朝儀

玉籙資度晚朝儀

法事如式

各禮師存念如法

請宣神呪

五星高耀 瑞氣飛浮 元始集神 天地交周

玉符寶節 嘯命微幽 擲火揚威 奸凶無留

萬魔振伏 紛葩却消 摧怪滅惡 道炁周流

神光照夜 陰翳俱收 萬神降格 扇景乘飗

羣生咸遂 惠徧神州 和與道合真

鳴法鼓二十四通

無上三天玄元始三炁太上道君太上老君
召出臣身中三五功曹左右官使者左右捧
香驛龍騎吏侍香金童傳言散花玉女五帝
直符直日香官各三十六人出出者嚴裝顯
服冠帶垂纓關啓玄壇土地方域神真臣今
晚朝陞壇行道謹奏為入意其諸忱悃已錄
告聞願得

太上十方至真道炁靈寶慧光下降流入臣
等身中令臣所啓之誠速達徑御

太上無極大道三清上聖昊天金闕玉皇上

帝東極慈尊青玄上帝道前

請稱法位

具位臣姓某與臨壇官衆等謹同誠上啓

虛無自然至真無極大道元始天尊太上道
君太上老君高上玉皇上帝紫微北極大帝
紫微天皇帝后土皇地祇東極青華大帝
南極長生大帝無上玉帝玉虛上帝太微天
帝少微天帝東華南極西靈北真玄都玉京
金闕七寶瓊臺紫微上宮靈寶至真明皇道
君十方已得道大聖衆至真諸君丈人大慈

大悲救苦真人救度真人大惠真人注生真人普救真人香林會中法解真人三十六部尊經玄中大法師三天大法師靈寶經籍度三師真君正一嗣系女三師君三界官屬一切真靈恭望洪慈俯垂昭鑒臣聞無色無淵

祖炁妙凝於混沌成形成象真精煥落於洪濛因五大以開圖奠三靈而立極道遵元始光明洞輔之中教演虛皇化育堪輿之表無文不度有感斯通臣等運際

明時緣逢慶會膺九清之玉牒佩三洞之瓊

文結友雲扃未符高步承流塵路莫悟玄宗
藉師寶之相攜感帝恩之下燭尚寬玄責猶
服真乘惟金科昭贊於仁風度人是切而玉
律扶持於化日濟物爲先凡有皈投敢忘關
奏臣欽奉

綸音崇修玉籙祇薦

其靈按如詞言備極昭切庸潔玄壇而闡事
恭依玉籙以登齋奉奎壁於十華散金花於
五界願垂睿鑒申衍蕃釐敷制地祇有護衛
送迎之喜超凌仙界得逍遙快樂之天福利

邦家恩沾寰宇以今晚朝陞壇行道請法衆
等運茲初捻上香願此香煙騰空徑上供養
無上至真道寶臣等皈身皈神皈命首體投
地仰依

太上三尊十方衆聖願以是香功德資薦

率二

十二

某靈恭願神遊紫極汎景玄虛蔭芝蓋以疑
真密扶

聖祚躡蓮臺而縱步垂蔭本枝今故燒香自
皈依

師尊大聖衆至真之德得道之後保天長存

和與道合真

以今晚朝陞壇行道請法衆等運茲二炷上
香願此香煙騰空徑上供養

無上至真經寶臣等皈身皈神皈命首體投
地仰依

李二

十三

太上三尊十方衆聖願以是香功德資薦

其靈恭願進位仙階登真妙境步瑤臺而遊
宴詣瓊圃以逍遙福果自然形神俱妙蔭宗
枝於百世翊

寶祚於萬年今故燒香自皈依

師尊大聖衆至真之德得道之後昇入無形
和與道合真

以今晚朝陞壇行道請法衆等運茲三捻上
香願此香煙騰空徑上供養

無上至真師寶臣等皈身皈神皈命首體投
地仰依

太上三尊十方衆聖願以是香功德資薦
其靈恭願慧源昭朗覺海澄清浴神流火之
庭雲網旋躡蔭質明霞之館天步高躋上及
太廟宗祧俱登天位下及臣等三師五友異

代學真靈元觀妙冲漠升真驂鶴駕於瑤京
充悅道味翼鸞輿於紫闕餐聽法音永證無
為長筭有漏九幽靈爽均被甄陶今故燒香
自皈依

師尊大聖衆至真之德得道之後永保長存

和與道合真

懺悔三禮 同前

具位臣姓某與臨壇官衆等謹重誠上啓

太上無極大道元始天尊太上道君太上老
君無上玄老十方已得道大聖衆至真諸君

丈人三十六部尊經玄中大法師天師君上
相上宰上保上傳四司五帝十二卿相三界
官屬一切真靈恭望洪慈洞垂昭鑒臣聞清
微布化敷七部以統天赤明開圖鎮五篇而
育物萬聖授度生之錄三元啓延景之恩今

奉二

十四

古承休天人稱慶是以齋崇玉錄爰遵藥笈
之科恩輅青玄式衛芝輪之澤恭願其靈飛
玉津於東井澄淪心華揚金彩於南丹陶鎔
性識克登神於紫極永錫佑於

皇家上願

天圖朗晏地紀安平經緯昭融風雲靜默五
兵偃戢萬邦沐仁壽之風百穀豐盈四海極
聖明之治圖書煥瑞文範同疆林壑棲真克
證六通之妙煙霞味道早符萬行之圓冥漠
幽沈飛潛動植均被甄陶之澤瓊超輪轉之
機一切有情同登道岸則上明
天尊大慈之化下副臣等版命之誠謹啓以
聞

發願

存中堯香

香官使者左右龍虎君侍香諸靈官當今臣
向來晚朝陞壇行道之所自然生金液丹碧
之英百靈衆真交會在此香火鑪前當願誠
意感通某靈昇度克證天真之果普資家國
之恩十方仙童玉女接待侍蘭煙傳臣向來所
啓之誠速達徑御
至真無極大道三清上聖昊天金闕玉皇上
帝東極慈尊青玄上帝道前

出堂頌

玉籙資度晚朝儀

共

